



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### მელიქიშვილი ლევან ივანეს ძე

მელიქიშვილი ლევან ივანეს ძე (14. X. 1817, თბილისი, - 22. II. 1892, იქვე, დაკრძალულია მთანმინდაზე, წმ. დავითის ტაძარში), რუსეთის იმპერიის არმიის კავალერიის გენერალი (1869), გენერალ-ადიუტანტი (1861). 1833 დაამთავრა თბილისის კლასიკური გიმნაზია, 1835 დაიწყო სამხ. სამსახური. 1844-45 იყო ელიზავეტპოლის მაზრის უფროსი, 1845-48 - იმერეთის მილიციის თბილისის ლაშქრის მეთაური. 1837-63 მონაწილეობდა ექსპედიციებში კავკასიელ მთიელთა წინააღმდეგ. 1848-50 სათავეში ჩაუდგა I ქართულ ქვეით პოლკს, 1853 მიიღო გენ.-მ. წოდება. 1854-58 მსახურობდა ჭარბელაქნის ოლქის უფროსად და ლეზგინთა რაზმის მეთაურად. 1857 სპარსეთის შაჰის კარზე იმყოფებოდა განსაკუთრებული დავალებით. 1858 დაინიშნა ლეზგინთა ხაზის უფროსად. 1858-59 დროებით სარდლობდა კასპიის- პირეთის ოლქის ჯარებს. 1859 მისი სარდლობით აიღეს ლუნიხის ციხე, რისტვისაც გენ.-ლ. წოდება მიენიჭა. 1863 ხელმძღვანელობდა აჯანყების ჩახშობას ბაქათალის, 1866 - დაღესტნის, კაიტალი-ტაბასარანის ოლქებში. რუსეთ-ოსმალეთის ომის (1877-78) დროს მსახურობდა დაღესტნის ოლქის უფროსად და იქ განლაგებული ჯარების სარდლად. 1880 დაინიშნა კავკასიის არმიის მთავარსარდლის თანაშემწედ, 1882 - სახელმწ. საბჭოს წევრად. 1871 სტავროპოლის გიმნაზიაში და თემირ-ხან შურას მთიელთა საოლქო სკოლა-პანსიონში დანესდა მისი სახელობის სტიპენდია.

დაჯილდოებულია ოქროს ხმლით, წმ. ანდრია პირველწოდებულის, წმ. ალექსანდრე ნეველის, თეთრი არწივის, წმ. გიორგის, წმ. ანას (I) და სხვ. ორდენებით. 1889 სამუდამოდ ჩაირიცხა აფშერონის პოლკის სიებში.

**მ. გოგიტიძე**

---